

## **Amarka L. 2 rep.**

**Waajibaadka Golaha Sharci dejinta iyo habraaca sameynta shuruucda.**

### **MAAMULKA WASAAYADDA TAALYAANIGA EE SOOMAALIYA MAAMULAHAA**

Marka uu arkay dekereetada Madaxweynaha jamhuuriyadda talyaaniga ee 9 Disember 1952, lamba. 2357;

Marka uu arkay qod. 8 ee Heshiiska ilaalinta dalka Soomaliya;

Marka uu arkay qod. 4 ee Bayaanka mabaadiida dastuuriga ee ku lifaaqan Heshiiska Wuxuu soo saarayaa oo ansbixinaya:

#### **Qod. 1 Amarkan**

Golaha Xeer-dejinta marka uu xilkiisa gudanayo waa in uu hoggaansamaa mabadiida iyo xerarka iyo Heshiiska Maamulka Wasaayadda dalka.

#### **Qod. 2**

Qaraarada ku saabsan arrimaha lagu sheegay qodobada 15, 19, iyo 20 ee Heshiiska ee ku xusan qodobka 1 iyo qodobada 8, 9 ee lifaaqa mabadiida dastuuriga, iyo sidoo kale oggolaashaha miisaniyadda xigashada iyo faraqa xisaabta canshuurta la soo rogay ee tooska iyo aan tooska ahayn iyo canshuur kasta ee la waajibiyay waa in uu oggoladaa Baarlamaanka .

#### **Qod. 3**

Soo jeedinta hindise sharchiyeedka waxaa iska leh Maamulaha iyo xubin kasta oo ka tirsan Baarlamaanka.

#### **Qod. 4**

Hindise sharchiyeed kasta oo la horkeeno Baarlamaanka waxaa ka baaraandegaya Guddiga shaqada ku leh, kadibna waxaa la horgelynaya Baarlamaaka si loo oggolaado.

#### **Qod. 5**

Hindise sharchiyeedka Baarlamaanku meelmariyay waxaa oggolaanaya Maamulaha. Maamuluhu inta aanu oggolaan hindise sharchiyeedka, wuxuu fari karaa Baarlamaanka in ay ku sameeyaan wax ka baddalka loo baahanyahay.

Xeerka wuxuu ku waafaqi kara ama ku diida karaa mudda ku siman saddex bilooda oo ka bilaabata taariikhda uu Baarlamaanku oggolaaday.

Haddii uu diida xeerla waa in uu wargeliyaa Baarlamaanka isagoo sababaynaya.

#### **Qod. 6**

Xeerarka waxaa ansixinaya Maamulaha, isla markiiba waxaa lagu baahinaya Faafinta Rasmiga isagoo dhaqangalaya maalinta shan iyo tobnaad ee baahinta, haddii xeerka isaga aan si kale loo dhigin.

### **Qod. 7**

Baarlamaanku wuxu u wakilan karaa Maamulaha in uu soo saaro dekeretooyin ku saabsan arrimo cayiman waqtii xaddidan.

### **Qod. 8**

Maamuluhu wuxuu awood u leeyahay marka ay jiraan xaalado baahiyoo deg-degga in uu soo saaro dekeretooyin leh awood sharci si waafqasan shuruucda jirta.

Dekeretooyinkaas waa in la geeyaa Golaha Baarlamaanka si xeer loogu baddalo, muddoo aan ka dheereyn bilowga kal-fadhiga u soo horreeya ee ka bilowda taariikhda baahinta.

### **Qod. 9**

Mid kasta oo ka mida xubnaha Baarlamaanka wuxuu soo u jeedin karaa Maamulaha su'aalo soo dhixgallo qaabab kala duwan leh ee la xariira waxqabadkiisa.

Su'aalaha iyo soo dhixgallada waa in laga jawaabaa mudda aan ka dheerayn bilawga kal-fadhiga ugu horreeya ee ku xiga taariikha la keenay.

### **Qod. 10**

Illaa laga gaarayo 1 Maajo 1957 hindise sharchiyeedka ay soo gudbiyeen mid iyo wax ka badan ee xubnaha Baarlamaanka, lama horegyn karo isla Golaha Baarlamaanka haddii aanu la socon waafaqsanaanta talada Maamulaha.

Talada Maamulaha waa in uu soo raaciyo muddo aan ka badnayn bil oo ka bilaabata taariikhda la weydiista; marka muddadaas ay dhaafsto waxaa loo qaadanayaa in taladas lagu raacay.

Mogadisho, 5 Janaayo 1956.

Maamulaha